

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Biblia Das ist Die gantze Heylige Schrift Teutsch**

**Luther, Martin**

**Franckfurt am Mayn, 1560**

**VD16 B 2747**

Vorrede.

**urn:nbn:de:bsz:31-62174**



# Die I. Epistel I. Cap.

wolte ihn bey mir behalten/ daß er mir an deiner statt dienete/ in den banden des C Euangelij/ Aber ohn deinen willen wolte ich nichts thun/ auff daß dein gutes nicht were genötiget/ sondern freywillig.

Vieleicht aber ist er darumb eine zeit lang von dir komen/ daß du ihn ewig wider hettest/ Ruh nicht mehr als ein Knecht/ sondern mehr denn einen Knecht/ einen lieben Bruder/ sonderlich mir/ wie vil mehr aber dir/ beide nach dem fleisch/ vnd in dem HERRN. So du nuh mich heltest für deinen Gesellen/ so wöllestu in/ als mich selbs annemen. So er aber dir etwas schaden gethan hat/ oder schuldig ist/ das rechne mir zu. Ich Paulus habe es geschrieben mit meiner hand/ ich wilß bezalen/ Ich schweig/ daß du dich selbs mir schuldig bist. Iha lieber Bruder/ gönne mir/ daß ich mich an dir ergetze/ in dem HERRN / Erquicke mein hertz in dem HERRN.

Ich habe auß zuuersicht deines gehorsams dir geschrieben/ Denn ich weiß du wirst mehr thun/ denn ich sage. Daneben/ bereite mir die Herberge/ Denn ich hoffe/ daß ich durch ewer gebet euch geschencket werde. Es grüßet dich Epaphras mein mitgefanger in Christo Ihesu/ Marcus/ Aristarchus/ Demas/ Lucas/ meine gehülffen. Die gnade vnser HERRN Ihesu Christi sey mit ewrem Geist/ Amen.

Geschrieben von Rom durch Onesimum.

Epaphras.  
Marcus  
Aristarchus.  
Demas.  
Lucas.

## Vorrede auff die I. Epistel S. Peters.



Diese Epistel hat S. Peter zu den bekehrten Heiden geschrieben/ vndt ermahnet sie im Glauben beständig zu sein/ vndt zuzunemen/ durch allerley leiden vnd gute werck.

Im 1. Cap. Stercket er ihren Glauben/ durch Göttliche verheißung vnd krafft der zukünftigen Seligkeit. Vndt zeigt an/ wie dieselbige nicht von vns verdienet/ sondern zuuor durch die Propheten verkündigt sey. Darumb sollen sie nuh im neuen wesen heilig leben/ vñ des alten vergessen/ Als die new geborn sind/ durch das lebendige ewige wort Gottes.

Im 2. Lehret er das Häubt vñnd den Eckstein/ Christum/ erkennen/ vnd daß sie/ als rechtschaffene Priester/ sich selbs Gott opffern/ wie Christus sich geopffert hat. Vñnd hebet an allerley Stende zu vnterrichten. Am ersten/ lehret er in der gemein hin/ der weltlichen Herrschafft vnterthan sein. Dar nach sonderlich/ die Knechte ihren eigen Herrn vnterworffen sein/ vñnd vnrecht von ihnen leiden/ vmb Christus willen/ der für vns auch vnrecht erliden hat.

Im 3. Lehret er die Weiber gehorsam sein/ auch den vngläubigen Männern/ vñnd sich heiliglich zieren. Item/ die Männer/ daß sie ihre Weiber dulden vnd vertragen. Vñnd darnach in gemein/ vnternander demütig/ gedultig/ vñnd freundlich sein/ wie Christus für vnser sünde gewesen ist.

Im 4. Lehret er das Fleisch zwingen/ mit nüchternkeit/ wachen/ mäßigkeit/ beten vnd mit Christus leiden trösten vnd stercken. Vñnd vnterweiset das geistliche Regiment/ wie man allein Gottes wort vnd werck treiben sol/ vnd ein jglicher dem andern mit seiner Gaben dienstbar sein. Vñnd nicht wundern/ sondern frölich sein/ ob wir leiden müssen/ vmb Christus namen willen.

Im 5. Ermahnet er die Bischöffe vnd Priester/ wie sie leben vnd das volck weiden sollen. Vñnd warnet vns für dem Teuffel/ daß er ohn vnterlaß vns nachgehe allenthalben.



Die

Die I.  
A  
B  
C  
D  
E  
F  
G  
H  
I  
K  
L  
M  
N  
O  
P  
Q  
R  
S  
T  
U  
V  
W  
X  
Y  
Z  
Die